

DAVVIRIKKALAŠ SÁMI GIELLABÁLKKAŠUPMI - GOLLEGIELLA NJUOLGGADUSAT

§ 1 Ásaheapmi

Davviriikkalaš sámi giellabáلكkašumi leat ásahan Norgga, Suoma ja Ruota sámi áššiin vástideaddji ministarat ja dáid riikkaid sámedikkiid presideanttat. Giellabáلكkašumi namma lea Davviriikkalaš sámi giellabáلكkašupmi – Gollegiella.

Báلكkašupmi juhkkovuvvo juohke nuppi jagi, vuohččan 2004 rájes.

§ 2 Ulbmil

Giellabáلكkašumi ulbmilin lea váikkuhit sámegiela ovddideapmái, gárggiidahttimii ja seailluheapmái Norggas, Ruotas, Suomas ja Ruoššas.

§ 3 Báلكkašumi oažžu

Giellabáلكkašupmi juhkkovuvvo ovttaskas olbmuide dahje servošiidda, mat leat bidjan earenoamáš návccaid ovddidit, gárggiidahttit dahje seailluhit sámegiela. Giellabáلكkašupmi sáhtta mieđihuvvot viidát iešguđelágan doaibmasurggiide.

Báلكkašumi supmi sáhtta juogadit eanet go ovttá vuotái.

§ 4 Báلكkašumi sturrodat

Giellabáلكkašumi sturrodat lea oktiibuot 15 000 euro. Báلكkašumi supmi dárkkistuvvo juohke guđat jagi Davviriikkalaš sámeáššiid virgeolmmáiorgána álgaga vuodul. Báلكkašumi vuoti vástida ieš vejolaš vearu máksimis.

§ 5 Árvvoštallanlávdegoddi

Giellabáلكkašumi várás nammaduvvo árvvoštallanlávdegoddi, mii vállje báلكkašumi vuoti. Árvvoštallanlávdegottis leat oktiibuot vihtta lahtu. Sámi parlamentáralaš ráđđi nammada njeallje lahtu juohke njealját jagi ja báلكkašumi mieđiheaddji riika ovttá lahtu juohke nuppi jagi. Árvvoštallanlávdegoddi nammada ságajođiheaddji.

Árvvoštallanlávdegottis berre leat vuđolaš áššedovdamuš sámegielas ja sámi giellabarggus ja maiddá sámi kultuvrras ja servodateallimis. Lávdegotti lahtut eai sáhte leat evttohassan báلكkašupmái.

Báلكkašanseremoniija lágidanriika bovde árvvoštallanlávdegotti vuosttaš čoahkkimii ja fuolaha hálddahaslaš bargguin.

Lávdegotti lahtut galget bargguineaset leat sorjjasmeahtumat ja bealátkeahttá.

§ 6 Almmuheapmi

Árvvoštallanlávdegoddi almmuha Davviriikkalaš sámi giellabáلكkašumis – Gollegielas ja dasa gullelaš almmolaš evttohanrievttis vuogas lági mielde.

§ 7 Báلكkašumi juohkin

Giellabáلكkašupmi juhkkovuvvo sámeministariid ja sámediggepresideanttaid oktasáš čoahkkimis árvvoštallanlávdegotti čálalaš ákkastallama vuodul.

§ 8 Ruhta

Norgga, Ruota ja Suoma ráđdehusat juolludit ruđa bálkkašumi ruhtamearrái ja dasa gullelaš hálddašeapmái. Ruhtadeapmi dahkko vurrolagaid ná: Norga, Suopma, Ruotta.

§ 9 Njuolggadusaid rievdadeapmi

Dáid njuolggadusaid ja bálkkašumi supmi sáhttet Norgga, Ruota ja Suoma sámeministarat ja dáid riikkaid sámediggepresideanttat rievdadit.

Dát njuolggadusat, maid sámeministarat ja sámediggepresideanttat leat nannen áššelonuheami vuogi mielde skábmamánu 2011, buhttejit 22 beaivve skábmamánu 2010 nannejuvvon njuolggadusaid.

DAVVIRIIKKALAŠ SÁMI GIELLABÁLKKAŠUPMI - GOLLEGIELLA BAGADUS

§ 1 Árvvoštallanlávdegoddi

Árvvoštallanlávdegoddi galgá bargat iešrádálaččat.

Árvvoštallanlávdegoddi fuolaha geavtlaš doaimmain, mat gusket evttohasaid nammadeapmái, árvvoštallamii ja bálkkašumi vuoti válgii.

Mearrádusaid galgá čállit beavdegirjái.

Árvvoštallanlávdegottis lea mearridanváldi, go unnimusat golbma lahtu oassálastet čoahkkimii. Mearrádusat dahkkojuvvojit eaŋkil eanetloguin. Jus leat seamma ollu jienat, de mearrádus dahkkojuvvo vuorbádeami vuodul.

§ 2 Evttohanriekti ja evttohasaid nomineren/nammadeapmi

Eavttohanriekti lea Norgga, Ruota, Suoma ja Ruošša stáhta vuložiin, servošiin, ásašusain ja eiseváldiin. Árvvoštallanlávdegoddi galgá viggat dasa, ahte eanas giellajoavkkut leat fárus eavttohasaid searvvis.

§ 3 Bálkkašumi oažžu

Ovttaskas olmmožin ipmirduvvojit maiddá ovttaskas olbmuiin šaddan joavkkut.

Organisašuvnnaide gullet maiddá searvvit ja ásašusat.

§ 4 Áigemearri

Árvvoštallanlávdegoddi meannuda evttohusaid dakkár áigeplánain, ahte dat sáhtá maŋimustá čakčamánu 30 beaivve dieđihit mearrádusa oktan čálalaš ákkastallamiin Davviriikkalaš sámeáššiid virgeolmmošorgánii.

§ 5 Diploma/plakeahtta

Davviriikkalaš sámeáššiid virgeolmmošorgána vástida diploma/plakeahta hábmemis.

§ 6 Hálddašeapmi

Hálddašemiin oaivvilduvvo árvvoštallanlávdegotti bargu, masa gullá bálkkašumi almmuheapmi, evttohasaid nammadeapmi ja čálalaš ákkastallama ráhkadeapmi bálkkašumi vuoti válgga várás. Hálddašeapmái gullet maiddá mátkegolut, mat šaddet bálkkašumi vuoti ja árvvoštallanlávdegotti ságajodiheadji mátkkis bálkkašumi juohkindilálašvuhtii.

Bálkkašumi galgá almmuhit vuosttažettiin ovdamearkka dihte ráđdehusaid ja samedikkiid interneahhtasiidduin ja sáddemiin preassadieđáhusa.

§ 7 Ruhtadoalu dikšun

Hálddahuslaš goluid čilgehusat, ruhtadoalu dikšun ja revišuvdna galget čuovvut buriid ruhtadoallovieruid. Čilgehusa galgá addit Davviriikkalaš sámeáššiid virgeolmmošorgánii.

§ 8 Njuolggadusa rievdadeapmi

Dán bagadusa sáhtá rievdadit Davviriikkalaš sámeáššiid virgeolmmošorgána.

Dát bagadus, mii lea nannejuvvon čálalaš meannudanvugiin 29.2.2008, buhte 1 beaivve suoidnemánus 2004 nannejuvvon bagadusa.